

**Hoani Waititi Marae**

**Te Waka Mo Nga Take Maori**

Ko tenei te waka tautoko i Te Taumata Runanga, me nga kaupapa Maori i roto i te Kaunihera. Kia kaha te inoi mai, te patai, he aha nga mahi a Te Taumata Runanga, he aha ano hoki nga take e pa ana ki te Kaunihera me te iwi Maori.

**Te Piringatahi o Te Maungarongo Marae**

**Te Kaiwhakahaere Matua mo nga Take Maori:**

He mangai mo te iwi Maori i roto i te Kaunihera:

He whakatu me te tautoko i te whanaungatanga o te Kaunihera me te Iwi Maori

He titiro i nga mahi o nga ropu o te Kaunihera mehemea e pa atu ana ki nga hiahia me nga wawata o te iwi Maori

He whakaako i nga kaimahi o te Kaunihera ki nga tikanga Maori me nga kaupapa o te Tiriti o Waitangi

He whakaatu me te arataki i Te Rangatira o te Rohe, te Kaunihera, me nga Kaiwhakahaere Matua o te Kaunihera, ki nga kaupapa me nga tikanga Maori

He tautoko i nga mahi o Te Taumata Runanga

**Kakariki Marae**

**Te Taumata  
Runanga**

**Te Ropu Rangatahi o Waitakere**

**Kaitatari Matua mo nga Kaupapa Maori:**

He arataki, he whakatu Kaupapa Maori i roto i nga whakaritenga a rohe o te Kaunihera

He mataara ki te tiitiro whakamua ki nga kaupapa whaneketanga

He whakahuihui i nga whakaaro o nga roopu a iwi, me te iwi whanui i runga i nga kaupapa whakaritenga a rohe

**Te Atatu**

**Waitakere City Council**

*He mangai mo te iwi Maori i  
roto i te Taiao o Waitakere*

*Giving a voice to the Maori  
Community of Waitkere City  
within Local Government*

**Kaiwhakatau Take Maori:**

He tohu huarahi mo nga take Maori, kia tae ki nga wahanga tika o te kaunihera, me te whakahaerenga ki te mutunga

He whakapuare i te kuaha ki te Iwi Maori kahore e aro mai ana e matatau ana ranei ki nga mahi me nga kaupapa o te Kaunihera

**Kaitautoko I Te Taumata Runanga:**

He tautoko i Te Taumata Runanga me te Waka o nga take Maori, ki te mau i nga kaupapa me nga take o te Iwi Maori i roto i te Kaunihera.

Me tono mai nga reta katoa mo nga mema o te Taumata Runanga ki:  
Te Taumata Runanga  
Waitakere City Council  
Private Bag 93109  
Henderson

Fax: (09) 836-8001

  
Waitakere City Council  
Te Taiao o Waitakere

## **Te Mihi o Te Heamana**

*E nga mana, e nga reo, e nga hau e wha,  
He kura tangihia, He mamae aroha ki a ratou ma,  
No Reira e nga mate o te wa, haere atu koutou.*

*Ratou ki a ratou, Tatou e nga morehu o tenei ao matemate ki a tatou.*

Tena Koe. He pukapuka whakamarama tenei i te tunga o Te Taumata Runanga. He taurira tauhou te turanga o te Taumata Runanga. Ko tenei te mangai mo nga take Maori ki roto i te Kaunihera me te taura here o te whakawhanaungatanga o te Kaunihera me te Iwi Maori o tenei rohe. No reira he take nui tenei kia mohio te tangata ma hea te haere mai me te wa tika e pa mai ai ki Te Taumata Runanga.

I whakaturia e te Iwi Maori me Te Kaunihera a Rohe o Waitakere Te Taumata Runanga i te tau 1991. I te 1993 i muri iho ka whakahouhia Te Taumata Runanga hei komiti tu tonu i roto i te Kaunihera. Tekau ma rua nga mema o te Runanga i tohua mai i nga roopu Maori o te rohe o Waitakereme nga tangata whenua ano hoki a Te Kawerau a Maki me Ngati Whatua.

Ko te kaupapa o Te Taumata Runanga he:

He kaiwhakawhitiwhiti whakaaro korero i roto i te kaunihera me te iwi Maori

Kia rarata mai te kaunihera ki nga wawata me take hohonu i roto i te iwi Maori

Kia mau tonu te kaunihera i nga tikanga Maori me nga whakaaro Maori i roto i nga kokiritanga me nga whakatau take

Ka taea tenei e te Taumata Runanga ma te:

Ki te kokiri me te whakarite i nga whakaaro Maori ki roto ki nga take e whakatauhia ana i roto i te Kaunihera

Te arataki i te kaunihera me ona komiti i roto i nga kaupapa me nga take e pa ana ki te iwi Maori

Te awhina i nga mahi whakatakoto kaupapa mo te Kaunihera  
Te awhina i nga mahi mo te Ripoata a Tau o te Kaunihera ara e panuitia nei e te Kaunihera he aha nga take nui me nga take tika rawa mo e whakapau i nga moni mo te tau

He maha nga wahanga e uru atu ana e whai mana ana te Taumata Runanga i roto i te Kaunihera. E mihi nui atu ana hoki Te Taumata Runanga ki nga mana whenua Te Kawerau a Maki me Ngati Whatua, i raro i te Ture Kaitiaki Whenua. Ko te reo tenei mo te iwi Maori i roto i te Kaunihera o Waitakere, he reo e tuku ana i runga ano i nga tikanga Maori me roto ano hoki i te Whanaungatanga. E inoi atu ana te Taumata Runanga kia koutou katoa kia kaha koutou te iwi Maori te whakatau mai te korero mai i nga take mo tatou katoa. No reira waea mai whakapa mai ki te Taumata Runanga.

Noho Ora Mai,

Te Heamana o Te Taumata Runanga

## **Te Ara Mai ki Te Taumata Runanga**

E hui ana te Taumata Runanga ia marama ia marama. Ko te kaupapa o enei hui ko nga take e pa ana ki te iwi Maori, nga take mai ano i nga mema, nga Kaikaunihera, mai i te iwi whanui ranei. E whai ake nei te huarahi hei kawae mai i nga take ki te aroaro o te Taumata Runanga.

**1 t u a t a h i** *Korerotia to take ki tetahi o nga mema Maori o te Waka Mo Nga Take Maori ki tetahi o nga mema o te Taumata Runanga ranei*

I mua atu i to haerenga mai ki te mau mai i to take ki te Taumata Runanga, he pai tonu tenei whakaaro kia korero koe ki tetahi o nga mema o te Waka Mo Nga Take Maori, ki tetahi mema ranei o Te Taumata Runanga (tirohia i te pukapuka i muri nei). Tena pea ka oti pai to take i konei, kahore he take ki te mau ki mua o Te Taumata Runanga.

**2 t u a r u a** *Whakatakotohia to take ki te aroaro o Te Taumata Runanga*

Ki te hiahia koe ki te tuku i to take, ki te korero ki mua i te Taumata Runanga ka aheitia tenei, engari kia tekau miniti anake te roa. Me waea mai ki te hekeretari o Te Taumata Runanga mo nga whakaritenga me nga whakahaerenga o te hui o te Taumata Runanga. Ma te hekeretari e whakae atu kia koe i muri i tana korerotanga ki te heamana o te Taumata Runanga.

**3 t u a t o r u** *Ko nga Ripoata mai i te Kaunihera me nga tutohutanga ki te Taumata Ruunanga*

E kore te Taumata Runanga e whakatau tonu i nga take e puta mai ana i te iwi whanui. Engari ka karangatia e Te Taumata Runanga tetahi ripoata mai i te Kaiwhakahaere Matua o te Kaunihera. Ma tenei ripoata e whakamarama e whakatakoto mai nga kaupapa katoa e pa ana ki tenei take. Kei tenei ripoata nga tutohutanga ki Te Taumata Runanga ka korerotia i te hui i muri ake i tenei.

**4 t u a w h a** *Nga tutohutanga ki Te Taumata Runanga mo nga whakaritenga mahi*

Ko nga tutohutanga ka tae ki mua i Te Taumata Runanga ka whiriwhiria kia whakataua i raro tonu i nga mana whakahaere o te Kaunihera. Ma Te Taumata Runanga e mau enei take ki te hui o te Kaunihera.

## **Ko Nga Mema o Te Taumata Runanga**

Tekau ma rua nga ropu mema kei runga i Te Taumata Runanga. He mema hoki te Kaunihera a Rohe o Waitakere i runga i te Runanga. E whai ake nei nga ropu mema a iwi, marae, me nga ropu whanui hoki. Mena he patai tau, kia kaha te inoi mai ki o enei mema.

### **Te Kawerau a Maki Trust**

### **Te Runanga o Ngati Whatua**

### **Te Ropu Wahine Maori Toko I Te Ora**

### **Te Whanau o Waipareira Trust**

### **Te Ropu Kaumatua o Waipareira**

### **Henderson Maori Committee**